



## Publicaziuns officialas dils 04-12-2020

---

### Damondas da baghegiar

Nr. 131/2020

Datum da publicaziun: 04-12-2020  
Patrun: Herger Hans, 7175 Sumvitg  
Liug e parcella: Sumvitg-Fontaunas Sut; 1709  
Object: lavurs da manteniment vid balcon e nova porta per garascha

Nr. 132/2020

Datum da publicaziun: 04-12-2020  
Patrun: Lutz Silvio, 7172 Rabius  
Liug e parcella: Rabius-Cavivens; 502  
Object: construcziun d'ina casetta da velos

Nr. 135/2020

Datum da publicaziun: 04-12-2020  
Patrun: Giger Emanuel, 7173 Surrein  
Liug e parcelas: Surrein-Giachentrina; 1320, 1332  
Object: adattaziun via d'access e spazzar lidimer

Nr. 136/2020

Datum da publicaziun: 04-12-2020  
Patrun: Giger Emanuel, 7173 Surrein  
Representant: LBA biro d'architectura, 7203 Trimmis  
Liug e parcelas: Surrein-Giachentrina; 1332  
Object: construcziun d'ina annexa vid clavau

Ils profils ein tschentai ed ils plans da construcziun ein deponi tier la canzlia communal.  
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 04-12-2020

*Cumissiun da baghegiar*

### Clom da quens

Il quen communal vegn serraus cun ils **31 da december 2020**. Per saver risguardar las expensas fatgas uonn el quen da gudogn e sperdita, ein tut quels che han aunc dabiens viers la vischnaunca supplicai da dar quen sil pli tard **entochen ils 14 da december 2020**. Nus supplichein tuttas fatschentas sco era ils officials da vischnaunca d'observar quei termin.

Sumvitg, 04-12-2020

*Suprastonza communal*

## Resultat dalla elecziun communal supplementara dils 29-11-2020

Elecziun da genau		
Cedels dai giu:	249	
Cedels vits:	61	
nunvaleivels:	24	
Cedels valeivels:	164	
Vuschs valeivlas da candidat:	164	
Absolut pli:	83	
<i>Decurtins Samuel, Rabius</i>	34	<i>buc elegius</i>
<i>Berther Flurin, Rabius</i>	14	<i>buc elegius</i>
<i>Deplazes Ignaz, Surrein</i>	11	<i>buc elegius</i>
<i>Schaniel Patrick, Sumvitg</i>	10	<i>buc elegius</i>
singuls	95	

Sumvitg, 04-12-2020

*Il biro electoral*

## Radunonza da vischnaunca

La proxima radunonza da vischnaunca ha liug gievgia, ils 17 da december 2020 allas 20.00 uras a Sumvitg.

### ***Gliesta da tractandas***

1. Avertura e beinvegni
2. Elecziun da 2 dumbravuschs
3. Protocol dalla davosa radunonza communal dils 16-06-2020
4. Tractaziun ed approbaziun dil preventiv communal 2021
5. Fixaziun dils peis da taglia 2021
6. Revisiun parziala dalla lescha da taglia (DC 900.000)
7. Tractaziun ed approbaziun dil project punt pendent Crappa Grossa e concessiun dil credit brut da 175'000 francs
8. Tractaziun ed approbaziun dalla cumpra d'ina maschina nova per il menaschi tecnic e concessiun dil credit brut da 239'000 francs
9. Tractaziun ed approbaziun dil relasch digl emprest da 150'000 francs alla Societad cooperativa da consum Surrein-Rabius
10. Orientaziuns
11. Varia

Il preventiv 2021 sa vegnir retratgs sin canzlia duront las uras da spurtegl.

Per la radunonza vala in obligatori da purtar mascra. Plinavon vegn menau gliesta dils participonts.

Sumvitg, 04-12-2020

*Suprastonza communal*

### **Elecziun supplementara 2020 / secund scrutini**

La votaziun per l'elecziun supplementara, secund scrutini, ei fixada sin dumengia, ils **7 da mars 2021**.

Propostas per candidats novs per il post vacant da gerau ein d'annunziar all'administraziun communal sil pli tard entochen ils **15 da schaner 2021**.

Tenor art. 21 dil reglament da votaziuns ed elecziuns san ils vischinadis ni gruppaziuns da silmeins 15 votants far nominaziuns da candidats per scadin post che stat en elecziun. Tuttas propostas per la gliesta ufficiala ein d'inoltrar a scret all'administraziun communal enteifer il termin indicau. Sin giavisch tarmetta l'administraziun tier ad interessents ni gruppaziuns gliestas per nominaziuns. Mintga candidat proponius da niev pil secund scrutini sto vegnir orientaus digl'emprems sutsignau dalla gliesta ch'el vegni proponius sco candidat per in uffeci e sto confirmar quei cun sia suttascripziun. Las candidaturas ston mintgamai cuntener num, prenum, onn da naschientscha, liug e professiun dil nominau.

Sumvitg, 04-12-2020

*Suprastonza communal Sumvitg*

### **Corp da pumpiers Sumvitg/Trun**

#### **Incorporaziun 2021**

Umens e dunnas naven dall'annada 2000 che giavischan da prestar survetsch activ da pumpiers san s'annunziar a scret entochen ils **16-12-2020** tier il niev cummandant Roger Keller, Via Craiers 3, 7180 Disentis/Mustér (dodge\_rk@hotmail.com). Ulteriuras personas tenor indicaziun dallas administraziuns communalas vegnan contactadas directamein a scret.

*Pumpiers Sumvitg/Trun*

### **Sontgaclau Cumpadials**

Cunquei che Sontgaclau s'auda tier la gruppa da risico eis el sedecidius dad uonn buca far vi-seta als convischins da Cumpadials. Seigies tuttina attents e teni aviert vos egls...

### **Devoziun d'advent a Laus**

La sentupada d'advent cun devoziun e pushegn ch'era prevedida ils **13 da december 2020** sto deplorablamein vegnir strieda muort la situaziun actuala da corona. Nus sperein sin Vossa capientscha e giavischein in ruasseivel temps d'advent. *Uniun da dunnas e gruppa da liturgia Sumvitg/Cumpadials*